

仏説摩訶般若波羅蜜多心經

仏教瞑想(ヨーガ)において智慧の女神(般若菩薩)へ呼びかける真言

वृक्षक्षयमदप्रक्षुपरमिगहृदयसुब्रं

वीः मं

般若心經祕鍵 并序

遍照金剛撰

文殊利劍絕諸戲 覺母梵文調御師
◎以眞言爲種子 含藏諸教陀羅尼

無邊生死何能斷 唯有禪那正思惟
尊者三摩仁不讓 我今讚述垂哀悲

夫佛法非遙。心中即近。

眞如非外。棄身何求。

迷悟在我。則發心即到。

明暗非他。則信修忽證。

哀哉哀哉長眠子。苦哉痛哉狂醉人。

痛狂笑不醉。酷睡嘲覺者。

不曾訪醫王之藥。何時見大日之光。

至若翳障輕重覺悟遲速。機根不同。性欲即異。

遂使二教殊轍。分手金蓮之場。

五乘並鑣。踩蹄幻影之埒。

隨其解毒得藥即別。

慈父導子之方。大綱在此乎。

大般若波羅蜜多心經者。

即是大般若菩薩大心眞言三摩地法門。

文缺一紙。行則十四。

可謂簡而要約而深。

五藏般若嘆一句而不飽。

七宗行果歎一行而不足。

觀在薩埵則舉諸乘之行人。

度苦涅槃則襄諸教之得樂。

五蘊橫指迷境。二佛豎示悟心。

言色空則普賢解頤圓融之義。

談不生則文殊破顏絕戲之觀。

說之識界簡持拍手。

泯之境智歸一快心。

十二因緣指生滅於鱗角。

四諦法輪驚苦空於羊車。

況復 ㄉㄨㄛˊ ㄒㄩㄥˊ 二字吞諸藏之行果。

ㄉㄨㄛˊ ㄒㄩㄥˊ 兩言孕顯密之法教。

一一聲字歷劫之談不盡。

一一名實塵滴之佛無極。

是故誦持講供則拔苦與樂。

修習思惟則得道起通。

甚深之稱誠宜可然。

余教童之次。聊撮綱要釋彼五分。
釋家雖多。未鈞此幽。

翻譯同異顯密差別。並如後釋。

或問云。

般若第二未了之教。何能吞三顯之經。

如來說法。一字含五乘之義。

一念說三藏之法。

何況一部一品何匱何無。

龜卦爻著含萬象而無盡。

帝網聲論吞諸義而不窮。

難者曰。若然前來法匠何不吐斯言。

答。聖人投藥隨機深淺。

賢者說默待時待人。

吾未知蓋可言不言不言不言。

不言言之。失智人斷而已。

此三摩地門。佛在鷲峯山。爲鶖子等說之。

此經數翻譯。

第一羅什三藏譯。今所說本是。

次唐遍覺三藏翻。題無佛說摩訶四字。

五蘊下加等字。遠離下除一切字。

陀羅尼後無功能。

次大周義淨三藏本。題省摩訶字。

眞言後加功能。

又法月及般若兩三藏翻。並有序分·流通。

又陀羅尼集經第三卷說此眞言法。

經題與羅什同。

言般若心者。此菩薩有身心等陀羅尼。

是經眞言即大心呪。依此心眞言得般若心名。

或云。略出大般若經心要故名心。

不是別會說云云。

所謂如有龍之蛇鱗。

此經總有五分。

第一人法總通分。觀自在至度一切苦厄是。

第二分別諸乘分。色不異空至無所得故是。

第三行人得益分。菩提薩埵至三藐三菩提是也。

第四總歸持明分。故知般若至真實不虛是也。

第五祕藏真言分。吽 吽 吽 吽 至 吽 是也。

第一人法總通分有五。因·行·證·入·時是也。

言觀自在能行人。即此人本覺菩提爲因。

深般若能所觀法。即是行。照空則能證智。

度苦則所得果。果即入也。

依彼教人智無量。依智差別時亦多。

三生三劫六十百妄執差別。是名時。

頌曰

觀人修智慧 深照五衆空

歷劫修念者 離煩一心通

第二分別諸乘分亦五。建·絕·相·二·一是也

初建者。所謂建立如來三摩地門是。

色不異空至亦復如是是也。

建立如來即普賢菩薩祕號。

普賢圓因以圓融三法爲宗。

故以名之。又是一切如來菩提心行願之身。

頌曰

色空本不二 事理元來同

無礙融三種 金水喻其宗

二絕者。所謂無戲論如來三摩地門是也。

是諸法空相至不增不減是。

言無戲論如來。即文殊菩薩密號。

文殊利劍能揮八不絕彼妄執之心乎。

是故以名。

頌曰

八不絕諸戲 文殊是彼人

獨空畢竟理 義用最幽真

三相者。

所謂摩訶梅多羅冒地薩怛嚩三摩地門是也。

是故空中無色至無意識界是也。

大慈三昧以與樂爲宗。示因果爲誠。

相性別論。唯識遮境。心只在此乎。

頌曰

一我何時斷

三祇證法身

阿陀是識性

幻影即名寶

四二者。唯蘊無我拔業因種是也。

是即二乘三摩地門也。

無無明至無老死盡。即是因緣佛之三昧。

頌曰

風葉知因緣

輪迴覺幾年

露花除種子

羊鹿號相連

無苦集滅道。此是一句五字即依聲得道之三昧。

頌曰

白骨我何在

青椽人本無

吾師是四念

羅漢亦何虞

五一者。

阿哩也。躡路枳帝冒地薩怛躡之三摩地門也。無智至無所得故是也。此得自性清淨如來。以一道清淨妙蓮不染。開示衆生拔其苦厄。智學能達。得名所證。既泯理智。強以一名。法華涅槃等攝末歸本教。唯含此十字。諸乘差別智者察之。

頌曰

觀蓮知自淨

見菓覺心德

一道泯能所

三車即歸默

第三行人得益分有二。人·法是也。初人有七。前六後一。隨乘差別薩埵有異故。

又薩埵有四。愚·識·金·智是也。次又法四。

謂因·行·證·入也。般若即能因能行。

無礙離障即入涅槃。能證覺智即證果。

如文思知。

頌曰

行人數是七

重二彼之法

圓寂將菩提

正依何事乏

第四總歸持明分又三。名·體·用。

四種呪明舉名。真實不虛指體。能除諸苦顯用。

舉名中。初是大神呪聲聞眞言。二緣覺眞言。

三大乘眞言。四祕藏眞言。若以通義。

一一眞言皆具四名。略示一隅。圓智之人三即歸一。

頌曰

總持有文義 忍呪悉持明

聲字與人法 實相具此名

第五祕藏眞言分有五。初𑖀𑖄𑖅顯聲聞行果。

二𑖀𑖄𑖅舉緣覺行果。三𑖀𑖄𑖅𑖀𑖄𑖅指諸大乘最勝行果。

四𑖀𑖄𑖅𑖀𑖄𑖅明眞言曼荼羅具足輪圓行果。

五𑖀𑖄𑖅𑖀𑖄𑖅說上諸乘究竟菩提證入義。

句義如是。若約字相義等釋之。

有無量人法等義。歷劫難盡。

若要聞者依法更問。

頌曰

眞言不思議 觀誦無明除

一字含千理 即身證法如

行行至圓寂 去去入原初

三界如客舍 一心是本居

問。陀羅尼是如來祕密語。所以古三藏諸疏家。皆閉口絕筆。今作此釋。深背聖旨。如來說法有二種。一顯二祕。

爲顯機說多名句。爲祕根說總持字。

是故如來自說卍字ㄅ字等種種義。

是則爲祕機作此說。龍猛·無畏·廣智等。

亦說其義。能不之間在教機耳。

說之默之。並契佛意。

問。顯密二教其旨天懸。

今此顯經中說祕義不可。

醫王之目觸途皆藥。解寶之人礦石見寶。

知與不知。何誰罪過。又此尊真言儀軌觀法。

佛金剛頂中說。此祕中極祕。應化釋迦在給孤園。

爲菩薩天人說畫像壇法真言手印等。

亦是祕密。陀羅尼集經第三卷是。

顯密在人。聲字即非。然猶顯中之祕。祕中極祕。

淺深重重耳

我依祕密真言義 略讚心經五分文

一字一文遍法界 無終無始我心分

翳眼衆生盲不見 曼孺般若能解紛

灑斯甘露霑迷者 同斷無明破魔軍

般若心經祕鍵